

讀左補義

讀左補義卷二十一

四明 姜炳璋 輯

受業毛 昇增泰

男

璵 璵 按

成公二

四年春宋公使華元來聘。三月壬申鄭伯堅卒。子

立。杞伯來朝。夏四月甲寅城孫許卒。公如晉。葬鄭

襄公。秋公至自晉。冬城郛。公欲叛晉故。鄭伯伐許。

仲公稱爵喪未踰年以吉禮從兵車之事。日抄鄭三加兵於

許矣。無遺父伐人喪子以我伐人父不義於人子失恩於親

四年春宋華元來聘通嗣君也。宋共公即位。王氏葆曰宋入春秋未嘗聘魯文十年公子遂往而宋不

齊之公侯
晉之討也
如晉侯惡
之與盟于
也故不敬
然晉侯矣
何可
猶與何可

報也。華元之來，其為共謀，昏張本乎。

杞伯來朝，歸叔姬，故也。將出叔姬先修

夏公如晉。程驥一歲一朝諸侯晉侯見公，不敬。季文子曰：「晉

侯必不免。」也後十年陷而瓦詩曰：「敬之敬之，天惟顯思，命

不易哉。」詩頌言將不能壽終夫晉侯之命在諸侯矣，可

不敬乎？敬諸侯則

秋，公至自晉，欲求成於楚而叛晉。陳慙傳積晉季文子曰：「不

可。晉雖無道，未可叛也。國大臣睦而邇，近也於我諸侯聽也。服焉

未可以貳。史佚之志有之。周文王曰：非我族類，其心必異。楚

雖大，非吾族也。補正言其肯字也。我乎公乃止。

晉連年不振，一勝齊而驕，公連年如晉，一不敬而叛，中國

極見曲在鄭

明知鄭曲
直但以救鄭
至故却却一
肩

所以曰替也。文子直言諫止謀國之忠。

冬十一月鄭公孫申帥師彊許田。前年鄭伐許其田今正其界許人敗諸

展陂。許地鄭伯伐許取鉏任冷敦之田按展陂鉏任冷晉樂書

將中軍。代鄭荀首佐之士受佐上軍以救許伐鄭取汜祭地

音凡。楚子反救鄭鄭伯與許男訟焉子反前皇戌攝鄭伯

之辭。代之子反不能決也曰君若辱在寡君寡君與其二三

臣共聽兩君之所欲成。平其可知也欲使自屈於不然側反

名不足以知二國之成。為明年許怨鄭於楚發本

鄭與許皆仰庇於楚而伐許不已。是與楚爭許也。楚人柯以不悟。及鄭伯許男訟於楚。於是悟鄭之與已爭也。而執皇戌公子國。

晉趙嬰趙盾通于趙莊姬趙朔妻期

經乙未五年春王正月杞叔姬來歸杜解出也傳在前年按夫

乃其繼仲孫蔑如宋○夏叔孫僑如會晉荀首于穀地齊

梁山崩記異也按梁山今在陝西韓城縣○秋大水○冬十有一月己酉天

王崩夷定王崩太子○十有二月己丑公會晉侯齊侯宋公

衛侯鄭伯曹伯邾子杞伯同盟于蟲牢鄭地按今河南封

傳五年春原屏放諸齊杜解放趙嬰也原嬰曰我在故樂氏

不作我亡吾二昆其憂哉杜解作亂也言我若出且人各

有能有不能言已雖淫而能舍我何害弗聽嬰夢天使謂已

祭余余福女使問諸士貞伯貞伯曰不識也既而告其人貞伯

既答趙嬰使者曰神福仁而禍淫淫而無罰福也祭其得亡

博言淫人必禍得亡為幸而貞伯謂祭其得亡此則于淫祀之言也

以得放
遣爲福

祭之。明日而亡。

爲八年晉煖
趙同趙括傳

嬰豈甘就放者必請於晉侯行之

孟獻子如宋報華元也。

元前
來聘
華

夏晉荀首如齊逆女。故宣伯餽諸穀。野餽曰餽。運糧餽之。大國也。餽首耶。

趙嬰淫人求福於神。宣伯淫人求福於人。似人鑒于神。然

而先後俱亡。

梁山筋

經筵（纂）天地示變以警人君聖人志之以示後世（纂）言自此六十年弒君七滅國九

晉侯以傳

傳名伯宗伯宗辟重曰辟傳重載之車。辟重重人曰待我

不如捷出邪之速也問其所由釋人也問釋事焉伯宗曰梁山

伯宗而不自重人可

見典經散亡
入鮮知學

豈士會備贊
國之典尚未
及此耶

崩將召伯宗謀之對重人問將若之何伯宗曰山有朽壤而崩
 可若何國主山川主謂所祭故山崩川竭君為之不舉去盛降
 服損盛乘殺武車無文徹樂息入出次舍于祝幣王史靡
 自罪以禮焉禮山其如此而已雖伯宗若之何伯宗請見之
 見之于不可見不肯遂以告而從之從重人言痛德傳
 晉君謂重人所告以六者禮之文也必有恐懼脩省之心
 主乎內持論甚正然重人告以六者上面自有脩省一層
 觀而已字若之何字使人自會伯宗依樣入告不添一語
 伯宗之咎也請見不可高人也薦賢何必請於賢需才之
 際伯宗不能舉之與晉臣之舉冀缺者異矣此數梁讓其
 撰善無積歟

近道相傳而
鄭已奔之去
以勢合也

許靈公。想鄭伯於楚。前兩年鄭伐許故。六月。鄭悼公如楚。訟不勝楚。

人執皇戌及子國。以鄭伯不直故也。子國鄭公子。故鄭伯歸。使公子偃請

成於晉。秋八月。鄭伯及晉趙同盟于垂棘。并地陳傳外君臣特相盟亦皆不責

他放此

宋公子圍龜。文公子為質於楚。而歸華元。享之。請鼓謀以出。鼓

謀以復入。出入謀曰。習攻華氏。宋公殺之。蓋直十五年宋楚平後華元使圍龜

代已為質故怨而欲攻華氏

冬同盟于蟲牢。鄭服也。諸侯謀復會。宋公使向為人辭以子

盭。國之難。宋公不欲會以新許子盭為辭為明年使宋傳

鄭久服楚。一旦來歸。晉霸將復振矣。然天王計至。霸主宜

帥以哭臨。且覲新君。使曉然知尊王之義。而僭王者不足

與也何以一盟後了無餘事故既得鄭又將失之

十一月己酉定王崩

經在歲半以上傳在下月創錯猶迷傳欲見王諱非衍文張注魯不食葬

經丙子

六年春王正月公至自會○二月辛巳立武宮社解魯人自啟

之功至今無患故

取鄭附庸國也音專

○衛孫良夫帥師侵宋

○夏六月邾子來朝○公孫嬰齊如晉嬰齊叔○壬申鄭伯

費卒

成公諱立

○秋仲孫蔑叔孫僑如帥師侵宋○楚公

子嬰齊帥師伐鄭

按楚始書大夫將

○冬季孫行父如晉○晉欒書

帥師救鄭

傳

簡王六年春鄭伯如晉拜成謝前年再盟子游公子相授玉于

東楹之東

禮授玉于兩楹之間鄭伯行疾故東過

士貞伯曰鄭伯其死乎自棄

也已視流而行速不安其位宜不能久

視流不端諦

鄭時不得志於楚。因倚晉為援耳。何嘗心服哉。視流行逆心術不定。成未可恃也。

二月季文子以鞶之功立武宮。非禮也。按立武宮言建武

下文立武乃增聽于人以救其難。不可以立武立武由已非

由人也。按立武耳。傳立武二字與經字同而義異。

厲充宗曰。公羊武宮武公之宮也。據昭十一年有事於武

宮。卽此武宮也。蓋戰時禱於武公而得勝。故立其廟。魯

人不知其非禮。且僭之於魯公之廟而為武世室。明堂位

遂修言之。夫所謂世室者。如周文武魯伯禽。自其崩薨之

後。其廟世世不毀。故曰世室也。武公之廟至閔公親盡而

毀矣。至今幾八十年中斷者三世。忽然更立。違例背制而

猶稱世室於世字之義何居甚矣魯人之陋而記禮者之

疎也。朱可亭曰季氏自多其伐齊取汶田之功立武廟

以示武功之當崇重也。

取鄭言易也。

恃霸者之睦而脅附庸以自肥。

三月晉伯宗夏陽說晉大衛孫良夫寧相鄭人伊維之戎陸

渾蠻氏戎別種侵宋桓惟書衛孫良以其辭會也聯會在師于

鍼衛人不保不守說欲襲衛曰雖不可入多俘而歸有罪不

及死伯宗曰不可衛唯信晉故師在其郊而不設備若襲之

是棄信也雖多衛俘而晉無信何以求諸侯乃止師還衛人

登陣聞說

馬云以辭會
自宋尤不當
以無信失衛
何以求諸侯
正照此句說

公云所謂海
國為
不
不

應耶

為元以樂利
為主情既言

不利後既言
不樂以新田

夾寫在中間
為佐法

終云沃饒近
堅不過是貨
利土厚水深
古是地則民
逐教直以義
為利矣

晉人謀去故絳晉復命新田為絳故謂此故絳諸大夫皆曰必居郇瑕古國名

氏之地沃饒而近鹽鹽也疏云說文云鹽河東鹽池袤五十里廣七里周幾百一十六里

國利君樂不可失也韓獻子將新中軍且為僕大夫補正為僕大夫則君之親臣故獨公揖而人獻子從公立於寢庭寢

舍之從公而入襄陵也公揖而人獻子從公立於寢庭寢

謂獻子曰何如問諸大夫對曰不可郇瑕氏土薄水淺薄上

地其惡易隕易觀則民愁民愁則墜陰按惡下文杜解云穢

言穢惡之積水無以流之與人相觸遇也然則墜陰是借用字

為則頻之名不以地言附注駁之非是後於是乎有沈溺重

緣敗云墜陰則民愁更非墜丁念反於是乎有沈溺重

腫之疾沈溺濕疾重腫是不如新田邑縣是土厚水深居

之不疾高燥有汾澮以流其惡出平陽入汾縣入河澮水且民

從教無災十世之利也疏云十者夫山澤林鹽國之寶也國

明則京兩賦
歷以此為監
本

龍溪利

卷二十一

饒則民驕。伏財易致。則近賈公室。乃貪不可謂樂。不悅實則民

云民居近賈則驕。農為商賈兼供則貪多。商少貧者無財以供。官富者不可以倍稅賦。稅少則公室貧也。公說

從之。夏四月丁丑。晉遷於新田。凡為季孫如晉傳陳僖

晉生齒繁庶。絳不足容之。故謀遷諸大夫。扼定沃饒近暨。

以為國利。君樂韓厥力破沃饒二字中。段詳叙新田之美。

未用反掉一得一失分外瞭然。點出不可謂樂。即不可為

利。以見樂利者在此不在彼也。遷國大事一言而定。獻子

其有功於晉哉。

六月鄭悼公卒。終士貞

子叔聲伯如晉。命伐宋。晉人命秋孟獻子叔孫宣伯使宋。晉

命也。經箋前命前伐宋又命晉侯之

優齊五為蛇
足離日從事
然已避楚則
彼此相需也

戰危事也。受大國之命而搆怨強隣，可乎？幸孟獻子主其
事，不敢深入，與之言事，晉之利而已。于是宋遂服晉。

楚子重伐鄭，鄭從晉，故也。前年與晉盟

冬季，女子如晉賀遷也。

晉欒書救鄭，與楚師遇於驕角。地。鄭楚師還，晉師遂侵蔡。楚公

子申、公子成以申息之師救蔡，禦諸桑隧。地名。補注：杜氏曰：楚三軍，二廣，不常

出，大抵用申息之師為經營中國之本。僖二十五年，以申息

之師成商密，其以于城濮。楚子曰：如申息之老何？二十六年，

申公叔侯戍齊，文九年，息公子朱伐陳。此年以申息之師救

蔡，而後此戰無敗。申息之師于桑隧，昔周宣王之世，申侯以

有國北方之志，其君多居于申，合諸侯亦在焉。趙同趙括

欲戰，請於武子。武子將許之，知莊子荀首中范文子士燮

佐韓獻子。韓厥新諫曰：不可。吾來救鄭，楚師去我，吾遂至於

一句反揭起
下以

我不在人而
任善治國名

此此是遷戮也戮而不已又怒楚師戰必不克遷戮不義
 故不雖克不令朱解幸而勝楚成師以出而敗楚之二縣何
 榮之有焉六軍悉出故曰成師若不能敗為辱已甚不如還
 也乃遂還於是軍帥之欲戰者衆或謂樂武子曰聖人與衆
 同欲是以濟事子盍從衆子爲大政中軍元帥將酌於民者也子
 之佐十一人六軍之卿佐其不欲戰者三人而已知范欲戰者可
 謂衆矣商書洪曰三人占從二人衆故也武子曰善釣從衆
 夫善衆之主也三卿爲主可謂衆矣三卿皆晉之賢人從之不亦可
 乎傳善樂得從衆之義且爲八年晉侵蔡傳後樂
 寄立意戰楚三卿一言而止可爲聽謀遷善之法
 楚伐鄭喪而晉救之楚師還無亡矢遺鏃之費而收救鄭
 之功可謂勝算矣而又侵蔡是遷戮也聖人以救患爲德

不以遷戮為功。武子知難而退，故不書使蔡之師。蔡人從，拔故不與楚人之救。

卷三

丁丑七年春，王正月，鼫鼠食郊牛角，改卜牛。鼫鼠又食其角，乃免牛。杜解：而牛未卜，日免放也。免牛，吳伐鄭，音談。

夏五月，曹伯來朝。不郊，猶三望。書不郊，明有三望，非禮。秋，楚公

子嬰齊帥師伐鄭。公會晉侯、齊侯、宋公、衛侯、曹伯、莒子、邾子

杞伯、牧筮，八月戊辰，同盟于馬陵。衛地，按今直隸大名府治東南有馬陵城。公至

自會。吳入州來。楚邑，按今在江南壽州北。嚴氏曰：得州來，吳楚之扼吭也。

冬大雩。書。衛孫林父出奔晉。

傳七年春，吳伐鄭。鄭成詳說：鄭國雖小，尚有典刑。鄭子來朝，聖人訪以官名，書吳伐鄭，貴如賤吳。

也。季文子曰：中國不振旅，蠻夷入伐而莫之或恤也。杜解：振，整也。旅，衆也。

足之與勢，鄭
於鄭傳曰

始懼楚也吳
之與伐鄭季
文子曰吾亡
無日矣吳秋
張則中國危

二子軍楚
是眼目可

無弔者也

言中國不能相慰

詩曰不弔昊天亂靡有定其

此之謂乎

詩小雅刺在上者不能

有上不弔其誰不受亂

吾亡無日矣

經筵季孫謂侯國不能

君子曰知懼如是斯

不亡矣

陳傳傳見吳入

通吳于上國因吳以敝楚非聖人所欲也吳僭號淫名聞

于天下猶之楚也中國既有一楚復增一吳文子之所以

懼也

鄭子良相成公以如晉見且拜師

謝前年晉救鄭之師為楚伐鄭張本

夏曹宣公來朝

秋楚子重伐鄭師于汜

鄭地音凡

諸侯救鄭鄭共仲侯羽軍楚

師大夫

因即公鍾儀獻諸晉八月同盟于馬陵尋蟲牢之

知諸侯未嘗
軍楚師也

楚云此傳與
入州來而原
叙到巫臣之
死與下晉因
所臣之通與
了而原叙
之橫怨傳以

盟且莒服故也。莒中盟在五年莒本晉人以鍾儀歸囚諸軍

府晉侯見鍾儀張本晉霸振矣。合九國之師以救鄭。而君親行。急於恤患矣。鄭恃諸侯之救。其臣亦有以自奮。遂攻楚師。而鍾儀囚。楚不敢肆。不可謂非晉之功。然合九國以禦楚之偏師。不能毫末加於楚。反不如鄭之有功。又以見晉之怯也。

楚圍宋之役。莊十四年解在宜。師還。子重請取於申呂。以為賞田。王

許之。分申呂之申公巫臣曰。不可。此申呂所以邑也。是以為

賦。以御北方。若取之。是無申呂也。言申呂賴此田邑耳。不得

邑壤。晉鄭必至於漢王。乃止。子重是以怨巫臣。子反欲取夏

姬。巫臣止之。遂取以行。子反亦怨之。及共王即位。楚共王以魯成公元

巫臣為缺
位
見楚之弱于
吳子重子反
為之

年即子重子反殺巫臣之族子閻子蕩及清尹弗忌皆巫臣之族

及襄老之子黑要以夏姬故而分其室子重取子閻之室使

沈尹與王子罷分子蕩之室子反取黑要與清尹之室巫臣

自晉遺二子書子重曰爾以讒慝貪恠含反事君而多殺不

辜余必使爾罷音疲於奔命以死巫臣請使於吳晉侯許之

吳子壽夢說之乃通吳於晉壽夢季札父以兩之一卒適吳

舍偏兩之一焉按出師之制一乘甲士三人步卒七十二人

春秋則以十五乘為大偏九乘為小偏又別有二十五人為

兩從之所謂偏法也今欲教吳車戰每乘各有專司惟從偏

得百人為卒以適吳故云兩之一卒既至吳又選其與吳人

相習勤於督教者得二十五人蓋以偏之兩之一留於吳

所謂舍偏兩之一也偏之一小偏九乘之一蓋一乘也兩之

明顧氏以一車為一兩異說更不足據與其射御教吳乘

連下三秒字
是亦臣精怨
出力與連二
子書暗喻

車。教。之。戰。陳。教。之。叛。楚。前是吳常屬楚。寘其子狐庸焉。使爲行人於吳。吳始伐楚。伐巢。伐徐。巢徐楚國陳僖傳見。子重奔命。救徐。馬陵之會。吳入州來。子重自鄭奔命而好。子重子反於。是乎。一歲七奔命。蠻夷屬於楚者。吳盡取之。是以始大通吳。於上國。諸夏也。補注。林氏曰。楚人禦吳以江。故用舟師。吳人北也。吳楚爭淮。自此始。自孫父之敗。淮西北爲吳有。爲亡郢之漸。怨毒之于人甚矣哉。二臣以私怨殄人之宗。分人之室。異日入郢。有由然也。州來者。楚人與國。吳得之。足以窺楚。然楚衰。晉強。由于此。吳強。晉弱。與吳亡。越霸。皆由于此。未段實爲春秋下半部之綱。

衛定公。惡孫林父。冬。孫林父長夫出奔晉。衛侯如晉。晉反威。

焉

威林父邑林父出奔威隨屬晉林解晉因衛來朝而反其威邑陳傳見不書以威叛

林父世專衛政而倚晉卿為援定公思逐之以威奔晉公之如晉恐其挾晉卿為害而先以其惡訴之也晉不能討林父正其竊邑叛君之罪但反威以結衛之歡徐圖林父之復蓋晉卿之謀也

經

八年春晉侯使韓穿來言汶陽之田歸之于齊莊解齊

故晉來請魯使晉樂書帥師侵蔡公孫嬰齊如莒宋還二年所取田

公使華元來聘晉聘不使卿今華元將命故特書夏宋公使公孫壽來納幣

宋公無主婚者自命之故稱使也公孫壽意謂之父葉不

林曰何以書以宋公使壽為得禮也昏禮無父母命之無母

已命之壽言使無母之辭也禮國君有求昏之辭曰請君之

玉女與寡人共有宗廟之事未嘗不親命之公羊云不當親

也

命非晉殺其大夫趙盾趙括秋七月天子使召伯來賜

提出敵邑之
舊見本為魯
田齊以不義
魯何以可二

公命諸侯即位天子賜以命圭與之合瑞八年乃來公錫命何加之有冬十月癸卯杞叔姬卒前五年來歸者女既適人雖見出奔猶以成人禮書之終為杞伯所葬故稱杞叔姬晉侯使士燮來聘叔孫僂如會晉士燮齊人邾人伐邾衛人來賂

傳八年春晉侯使韓穿來言汶陽之田歸之于齊公羊鞍之

弔死視疾七年不飲酒食肉晉侯聞之反其所取侵地王氏謂恐無是事但說苑載之更詳或有之也然魯地為齊侵得之本非齊有還齊季文子餞之行飲酒私焉之言曰大國制是也復歸齊非也義以為盟主是以諸侯懷德畏討無有貳心謂汶陽之田敝邑之舊也而用師於齊使歸諸敝邑之用師按今有二命曰歸諸齊信以行義義以成命小國所望而懷也信不可知義無所立四方諸侯其誰不解體言不復庸詩曰女也不爽也

三十一 成公 十一

詩云上已明
言二命之失
因未痛快引
詩從二三其
德句反覆批
駁後極揚一
層翻作教厲

貳其行士也。罔極也。中二三其德。詩衛七年之中一與一奪二

三孰甚焉。士之二三猶喪妃配。音耦而况霸主霸主將德是

以用而二三之其何以長有諸侯乎。詩大曰猶也。之未遠是

用大簡也。諫行父懼晉之不遠猶而失諸侯也是以敢私言之

茅氏謂沾沾耳語不足以明大義。孫氏謂私言易入正進

言之妙皆非也。萬充宗曰僖元年公賜季友以汶陽之田

及費此實季氏之私也。前取汶陽田季孫取之也。故行父

獨私于韓穿非為國也。只有賁晉無信義一層意而處

處以諸侯解體夾寫蓋晉結齊好故以汶陽歸齊豈知以

此固交正恐以此解體直刺晉人之隱

晉樂書侵蔡

杜絕六年未得志故

遂侵楚獲申騶

楚夫

大楚師之還也。六謂

年。進于晉。侵沈。獲沈子揖。初從知范韓也。知莊子范文子韓
 練角時。晉侵沈。獲沈子揖。初從知范韓也。知莊子范文子韓
 獻子之言。不與楚戰。自是常從其謀。師。出有功。故傳善之。沈國名。按揖其君也。君子曰。從善如流。宜。
 哉。如流。喻也。詩大曰。愷悌君子。遐不作也。遠也。用人求善也。夫作。
 人。斯有功績矣。是行也。鄭伯將會晉師。會伐蔡。門於許東門。
 大獲焉。過許見其無備。因攻之。

蔡逼於楚。自翟泉與盟之後。不從諸侯者四十八年。晉人。
 侵蔡。遂侵楚。繞角之役。又侵其與國之沈。樂書用三子之。
 謀也。傳以其鋤強楚之勢。故與之。而經以不能舉楚之罪。
 徒虐小國。故于侵楚略焉。

聲伯如莒。逆也。自為逆婦而者。因聘而逆。

宋華元來聘。聘共姬也。穆姜之女。成公姊妹。為宋共公夫人。聘不德使卿。故傳發其事而已。

殺同括以樂
 即為主帥又
 從樂相也
 無一字觸繼
 師所忌故言
 易從然以理
 論之成季之
 勳自當有後
 至益之忠其
 惡安在

夏宋公使公孫壽來納幣禮也。
納幣應使卿
說宋三世內
 昏於魯共公有
意於正家也

晉趙莊姬為趙嬰之亡故譖之於晉侯。
亡在五年
 曰原屏將

為亂樂邵為徵。
樂氏邵氏亦
 六月晉討趙同趙括武子莊姬從

姬氏。
晉成女畜於公宮也。
 以其田與祁奚韓厥言於晉侯曰

成季。
趙之勳宣孟趙之忠而無後為善者其懼矣三代之令

王皆。
數百年保天之祿夫豈無辟王賴前哲以免也亦有三代

辟之。
君但賴其先人以周書康曰不敢侮鰥寡所以明德也

言文王不侮鰥寡而德益乃立武而反其田焉。
明欲使晉侯之法文王

殺同括當以傳為據晉世家屠岸賈欲滅趙孤孔疏已辨

之毛西河從史還晉討趙盾之說予謂如此時討盾之弒

君樂御主之則韓厥安敢言宜孟之忠也。四年冬，傳大

書樂書將中軍，則書國之鈞也。趙嬰曰：「我在故樂氏，不作則書之。」欲逐趙宗久矣。嬰通莊姬，姬在公宮，苦無下手處。書乘同括之惡，嬰遂與逐嬰，又乘姬之怨，同括遂殺同。括讀首句，則所謂原屏為亂，明是冤獄。韓厥云：「辟王賴前哲，以免以辟，字暗加同括身上，倘為同括訟冤，正犯書之所忌。」蓋意主立後是非不必甚明，又引書不敢侮寡寡以孤兒寡婦動之，皆善子立言也。

秋，名桓公來賜公命。名桓公周鼎士

晉侯使申公巫臣如吳，假道於莒，與渠邱公。莒子立於池上

池城池也。渠邱邑名。按今屬山東安邱縣。曰：「城已惡。」莒子曰：「辟陋在夷，其孰以我。」

分明指楚

汪云快逸一層破其神陋在真語

晉與吳通而不許鄰之事吳鄭與楚比而不許許之事楚當日用兵殊不可曉

為虞也對曰夫狡焉思啓封疆以利社稷者何國蔑有唯然

故多大國矣唯或思或縱也附注有思開封疆者有縱弛而不設備者故多兼并以成大國

勇夫重閉况國乎為明年呂潰傳

巫臣之為莒慮非愛莒也懼莒之折而入於楚也正是怨

楚之深

冬杞叔姬卒來歸自杞故書昭其見出來歸故書卒也若更適大夫則不役書卒

晉士燮來聘言伐鄭也以其事吳故七年鄭公賂之請緩師與吳成

文子燮不可曰君命無貳失信不立禮無加貨事無二成私公

不雨君後諸侯是寡君不得事君也欲與魯絕變將復之季孫懼

使宣伯帥師會伐鄭

季孫不能理折文子而行賂文子豈受賂者不知人矣然

吳伐邾而晉不之救。邾服吳而晉謀伐。何以服小國之心。女子不失事君之忠。而語語脅制。傳特著此篇。見小國受役於大國者。冤抑無告。皆如此。

衛人來媵。共姬禮也。凡諸侯嫁女。同姓媵之。異姓則否。必以解同姓者。參骨肉至親。所以息陰誼。補注說者云。肅嬖已曹邾。同姓者。參骨肉至親。所以息陰誼。補注說者云。肅嬖已曹邾。成周盛時。如紂晉來媵。苟非先王之制。循習已久。安肯如此。按齊人之媵。蓋齊魯方睦。而齊久事晉。因晉人來媵。又以宋為王者之。後得備天子十二女之制。故也。考宋之六嬖。同於王朝。則女備十二。非過制矣。禮王后歸於京師。以姪娣從。本國三人。三國媵之。亦以姪娣從。各三人。故為十二。諸侯二國媵之。故一娶九女。顧姪娣行次不同。共適一夫。聖人制禮。宜無是事。姑闕之。

顧亭林曰。十二公之世。獨宋伯姬書三國來媵。蓋宣公元妃所生。庶出之子。不書生。故子同生。特書庶出之女。不書。

致不書媵。故伯姬歸于宋，特書。古人嫡庶之分，不獨子也。女亦然矣。萬充宗曰：媵必與嫡偕行，必先期而至。嫡媵相習，並效于歸，兩無扞格。伯姬明年歸宋，而衛媵以今年冬至，此為得禮。得禮而書，以見齊晉後期之失也。按程子胡氏以伯姬之賢，聞于諸侯，故晉齊來媵。夫伯姬以宋災守節，乃見其賢，豈初嫁之時即知其賢，而三國來媵耶？毛西河謂春秋揚美之意，夫來媵常制耳，何足為美耶？

經

己卯九年春，王正月，杞伯來逆叔姬之喪，以歸。公會晉侯

齊侯、宋公、衛侯、鄭伯、曹伯、莒子、杞伯，同盟于蒲。程解：公至自

會。二月，伯姬歸于宋。宋不使卿，送非禮。夏季，孫行父如宋，致女嫁。

三月，又使大夫隨加聘問，謂之致。晉人來媵也。伯姬。秋七月，女所以致成婦禮，篤昏姻之好。

丙子齊侯無野卒。

子重公環立。

晉人執鄭伯。

鄭伯既受盟于蒲。又愛楚賂會于鄭。

故晉執之。稱人者晉以無道于民告諸侯。

晉欒書帥師伐鄭。冬十有一月葬齊頃公。

楚公子嬰齊帥師伐莒庚申莒潰。

民逃其潰。楚人入鄆。

莒別邑也。補注伐書將入書人一事再見略之。

秦人自狄伐晉。鄭人圍許。城

中。

魯邑也。此開月城在十一月之後。十二月之前。故傳曰書時。

傳

九年春杞桓公來逆叔姬之喪。請之也。杞叔姬卒。為杞故

也。

還為杞婦。逆叔姬為我也。故卒稱杞。

家則堂曰叔姬之歸。以至於逆喪。皆繫之於杞。春秋與其

能歸而為之書也。自此見之史傳。去婦復反者多矣。未聞

既去而遂絕絕而不復者也。彼謂子思不喪出母。齊東之

說。按出者令其至母家省過。俟其改而復之也。若已適人。則與廟絕。

范文子非不
受善言者自
前此略後無
後其為人

經凡書來者。彼自然而來。此非有所強也。如來盟來歸來。賄來。繇來。賂之類。今日來逆。則杞伯自來逆也。叔姬卒。以訃至杞。非以勢力脅之使逆。卽以勢脅之。何必其君親至哉。傳云。請之者杞伯。請之於我而後來逆也。杜以爲公請于杞。誤矣。意者叔姬之出。非其罪。杞伯久而知其枉。故於其卒。請喪耳。爲杞故。言不得與廟絕。生爲杞夫人。沒當祔于姑也。爲我者。恐魯以無罪見棄。責杞因躬自逆之也。爲歸汶陽之田故。諸侯貳於晉。歸田在前年晉人懼。會于蒲。以尋馬陵之盟。馬陵在前年季文子謂范文子曰。德則不競也。強也尋盟何爲。范文子曰。勤以撫之。寬以待之。堅瓊以御之。明神以要之。柔服而伐。德之次也。是行也。將始會吳。吳人不至。陳傳年

寫山婦人愛
女情長有一
段至性在內

記吳人不至為厲公會鍾離傳于衰三年再記吳人不至為
悼公會賦皆以見吳初不敢自列于諸侯而晉求之急

行父之言本非無意父子之對亦是有心然魯不能自強

終為勢屈晉無以服人何以主盟乎

二月伯姬歸于宋為致女復命起

楚人以重賂求鄭鄭伯會楚公子成于鄧為晉人執鄭伯傳

小國求成大國則用賂而大國求小國亦復如是是楚衰

晉強之驗也

夏季文子如宋致女復命公享之賦韓奕之五章杜解韓奕詩大雅篇

名穆姜伯姬出於房再拜曰大夫勤辱不忘先君以及嗣君

施及未亡人聞文子言宋樂喜而出謝其先君猶有望也先言

君亦望文敢拜大夫之重勤又賦綠衣之卒章而入詩邶風

子之若此取其

我思古人
實獲我心

晉人來媵禮也

同姓故

秋鄭伯如晉晉人討其貳於楚也執諸銅鞮晉別縣丁兮反樂書

伐鄭鄭人使伯蠆行成晉人殺之非禮也兵交使在其間可

也明殺行人例楚子重侵陳以救鄭陳與晉故

前此蜀之盟楚合十一國之大夫晉何能盡執十一國之

君蓋不救魯衛自覺無顏魯衛受盟佯為不知也至此霸

威稍振鄭伯悔過來朝不以禮接而執其君殺其使伐其

國皆樂書為之也夫敬其君者必致禮于隣國之君卻至

是也不敬其君者必無禮于隣國之君樂書是也傳止斷

其後一著以執君非禮無待言也自此楚一招鄭鄭即比

楚以撓伯主。凡二十年。諸侯以失鄭爲憂。其孰階之厲耶。
晉侯觀于軍府。見鍾儀。問之曰：「南冠。」在解而繫拘犇者誰
也。也有司對曰：「鄭人所獻楚囚也。」使稅之。稅解也。稅吐活反。召
而弔之。再拜稽首。問其族。對曰：「潁人也。」樂官力丁反。泠公曰：能樂
乎？對曰：「先父之職官也。敢有二事。」言不敢學他事。使與之琴操。南音
公曰：「君王何如？」對曰：「非小人所得知也。」固問之。對曰：「其
爲大子也。師保奉之以朝于嬰齊。」重子而夕于側也。子反言其
不知其他。公語范文子。文子曰：「楚囚君子也。言稱先職不肯
本也。樂操土風不忘舊也。稱大子抑無私也。」舍其近事而遠稱少小以示性
所自然名其二卿尊君也。尊晉不背本仁也不忘舊信也。無
明至誠也。敏達仁以接事信以守之忠以成之敏以
私忠也。尊君敏也。敏達仁以接事信以守之忠以成之敏以

行之事雖大必濟言有此四德君盍歸之使合晉楚之成公
從之重爲之禮使歸求成爲下十二月晉

楚結成張本

晉之所以爲霸主以其尊周撥夷爲小國所依也乃紹爲
平晉楚之說十二年宋西門之盟遂與楚成其後向戌爲
宋之盟實托基于此此春秋一變局世道升降一大關鍵
也前此邲之役荀林父待盟有日卒爲楚覆至此晉霸畧
振而景公復圖苟安不知楚不能以兵力服鄭而重賂使
鄭之貳伎倆可見矣晉如惠恤其民以大義服人何楚之
畏鯀鯀焉惟成是亟亦足恥矣

冬十一月楚子重自陳伐莒圍渠邱渠邱城惡衆潰奔莒戊
申楚入渠邱在渠邱城莒人囚楚公子平楚人曰勿殺吾歸而

注云兩城俱
惡絕收對無
倚下文從無
倚罪言天把
開一步用備
字反押平法
是也

停莒人殺之。楚師圍莒。莒城亦惡。庚申莒潰。八月十楚遂入郛。

莒無備故也。終巫臣之言。經筌楚居荊州。道遠于莒。莒在吳魯之間。伐莒實有輕中國之心。乃齊晉不敢圍。

其前得不敢議其後。君子曰：恃陋而不備，罪之大者也。備豫

不虞，晉之大者也。莒恃其陋而不脩城郭，決辰之間而楚克

其三都，無備也。夫決辰十二日也。疏云：決，周匝也。從甲

雖有絲麻，無棄菅蒯。雖有姬姜，無棄蕉萃。凡百君子，莫不代

置官備之，不可以已也。逸詩也。姬姜，大國之女。蕉萃，陋賤之人。亦在位之人。亦有匱乏之時。須

得人承代。菅，古類反。七年，莒同盟于馬陵。今年盟于蒲。其無備也，恃晉故也。而

晉方將結成于楚，不敢救。傳深責莒之無備，而與上篇

連叙，以見克其三都，無地不為蹂躪，天下無伯，則列國皆

連叙，以見克其三都，無地不為蹂躪，天下無伯，則列國皆

莒也。方知鍾儀之遣。釋伐之使其策甚謬。

秦人自狄伐晉諸侯貳故也。

鄭貳則執莒患不救爲人窺破。故秦接白狄伐之。楚使之也。亦晉自致之。

鄭人圍許。示晉不急君也。此秋晉執鄭伯是則公孫申謀之曰我出

師以圍許。示不爲將改立君者而將晉使請晉示欲更立君

晉必歸君。爲明年晉侯歸鄭伯張本

叔申之謀所以救時而竟以此見殺。國家何以有任事之臣。

城中城書時也。

十二月。楚子使公子辰如晉。報鍾儀之使。請脩好結成。鍾儀奉晉

命歸族
楚報之

庚辰十年春衛侯之弟黑背帥師侵鄭胡傳黑背生公孫烈

烈烈之立蓋蒙父寵也按篤于愛弟非失也亦視其弟何如耳如謂寧用他人則周公康叔非武王之弟哉夏

四月五卜郊不從乃不郊杜預卜郊者四唯此年五卜疎云當

是三月三卜四月又二卜皆不吉乃止也五月公會晉侯齊侯宋公衛侯曹伯

伐鄭晉侯杜調齊人來媵伯姬也異姓丙午晉侯獮卒

立景公卒子州蒲秋七月公如晉冬十月

十年春晉侯使糴莩晉大夫癸亥癸亥楚報大宰子商公

子之使也前年

衛子叔黑背侵鄭晉命也晉命衛

鄭公子班聞叔申之謀杜預改立三月子如公子立公子縶

鄭公子縶

夏四月鄭人殺繻立玁頭鄭成公子如奔許樂武子曰鄭人

立君我執一人焉何益不如伐鄭而歸其君以求成焉晉侯

有疾五月晉立太子州蒲以為君而會諸侯伐鄭孔疏應公

名州蒲或悞州蒲按太子攝行君事鄭子罕穆公賂以襄鍾

以終會耳非生立為君也傳失之鄭子罕穆公賂以襄鍾

鄭襄公子然盟于修澤子駟皆穆公為質河南風武縣北

已鄭伯歸不告入晉人舉動一不善而立君殺君小國費幾許荼毒執君歸

君晉亦費幾許周旋皆樂善謀國之不滅也晉侯有疾

立太子為君而會諸侯伐鄭杜氏謂生伐父位或曰直書

晉侯著其惡也或曰州蒲以世子主會序諸侯之下則失

列乃就景公始謀徵會之稱而書晉侯竊以為皆不然如

或云左氏此
等文皆有神
倫理不知景
公妄然抱愧
於心結而成
夢非謂實有
也視下
言之夢且

果州蒲主盟何妨書諸侯會晉太子州蒲伐鄭伐鄭在五
月周五月夏三月也杜註景公卒於六月七日周六月夏
四月也正何人獻麥之時非疾五月卒亦在五月也想景
公未會之前早已得疾而期不可爽故令太子從行至鄭
會諸侯疾甚不能終事乃先歸晉使太子攝行君事終伐
耳然則此行實景公主之且景公此時未卒何為而不稱
晉侯故晉以親會告而史書之也

晉侯夢大厲被髮及地搏膺而踊曰殺余孫不義厲鬼也趙
也八年晉侯殺余得請於帝矣壞大門及寢門而入公懼入
趙同趙括故怒余得請於帝矣壞大門及寢門而入公懼入
於室又壞戶公覺召桑田巫而問之桑田巫曰有神巫故名巫
言如夢巫云鬼怒公曰何如曰不食新矣言公不得公疾病
及食新麥

言如夢如公所夢公曰何如曰不食新矣及食新麥

九種直所為
下好殺者示
戒耳若同部
所言杜伯射
王此誠有乖
倫理故內傳
不錄
周云以好殺
致夢以多夢
行殺心已死
矣欲不死得
乎

求醫於秦秦伯使醫緩名爲之治猶未至公夢疾爲二豎子
曰彼良醫也懼傷我焉逃之其一曰居育之上膏之下若我
何育育也心下醫至曰疾不可爲也在育之上膏之下攻之
不可達之不及藥不至焉不可爲也公曰良醫也厚爲之
禮而歸之六月丙午晉侯欲麥周六月今四使甸人主爲公
獻麥饋人爲之召桑田巫示而殺之將食張也腹滿如廁陷而
卒小臣有晨夢負公以登天及日中負晉侯出諸廁遂以爲
殉傳言巫以明術見殺小臣以言夢自禍

君子脩德立命其于死生之際如陰陽寒暑之自然理有
定也景公悞聽婦人讒言殺其世臣趙氏其心必有休然
不安者故常有懼心而人窮反本天理益明懼心益甚故

心之靈爽夢幻大厲及聞巫言貪生畏死憧憧往來及其疾也又常有倖心神益衰倖心益甚欲于百死中求一生路不得故尸居餘氣夢幻二豎巫交鬼神醫知生死其言悉隨吾夢而無異傳述其殺桑巫稔惡于終殺小臣遺禍于後而殉葬一事與秦穆宋文而三皆天帝所不容者也雖有服齊之功已萌成楚之志氣昏力惰鬼神乘之安能繼文襄之業乎

鄭伯討立君者戊申殺叔申叔禽

叔申弟

君子曰忠爲令德非

其人猶不可況不令乎

言叔申爲忠不得其人還害身

鄭成無道不及晉惠之於飴甥傳言非賢君不可爲此謀

況不善之人乎其斥成公至矣

秋公如晉

親弔

晉人止公使送葬於是糴莩未反

是春晉使糴莩至楚

結成晉謂魯祇于楚故留公須糴莩還驗其虛實

冬葬晉景公公送葬諸侯莫在魯人辱之故不書諱之也

石葉

林曰不書葬以公親會為恥也

天子之喪諸侯送葬卿弔魯侯親弔于晉是以天子之禮事晉而又過之也晉安然受之又不止其送葬是以天子自處也晉實不德何以責貶晉不自反而一意陵人魯不自強而屈禮受辱交譏之

讀左補義卷二十二

受業毛 昇增泰

四明 姜炳璋 壽

男

棟 拔 塩

成公三

辛巳十有一年春王三月公至自晉莊公在晉晉侯使卻擊

來勝已丑及卻擊盟卻克從父兄夏季孫行父如晉○秋

叔孫僑如如齊○冬十月

傳十一年春王三月公至自晉晉人以公為貳於楚故止公

公請受盟而後使歸杜預前年七月公如晉弔至是乃得歸

之非也以天子之禮事大國與小國以天子之禮事晉而魯

受之其惡同也杜預前年七月公如晉弔至是乃得歸

不

公送葬後猶留五月。蓋待釋枝之反也。幸枝反而知魯無貳於楚。不然。其所以虐魯當何如。已則求成而禁人之貳。

可恥也。彭山謂久留以致殷勤。豈其然。

卻嬖來聘。且泄盟。高氏曰。公留九月。習侯不與盟。故反。聲伯之母不聘。聲伯之母叔肸之穆姜曰。吾不以妾為姒。昆弟之

為之。穆姜曰。吾不以妾為姒。昆弟之

夫之尊卑同。則從身之長幼。姊弟也。切。長也。止言婦之長幼。

不言夫。生聲伯而出之。嫁於齊。管于奚生二子而寡。按男女

子。即下外。以歸聲伯。聲伯以其外弟。管于為大夫。為魯而嫁

弟。外妹也。

其外妹於施孝叔。魯惠公卻嬖來聘。求婦於聲伯。聲伯奪施

汪云是能字
人之孤
則云舍
舉無非為保
全施氏一問
一若皆別時

氏婦以與之。婦人。即外妹。曰。烏獸猶不失儷也。子將若何。曰。吾

防部

其美也破
其國視爲
誠在郤氏
爲難在放
氏已無人心

不能死亡。言不與郤擊婦人遂行。生二子於郤氏。郤氏亡。晉

人歸之。施氏施氏逆諸河。沈其二子。沈之婦人怒曰。已不能

底其伉儷而亡之也。仇敵又不能字人之孤而殺之也。字愛。將何

以終。遂誓施氏。言約誓不復爲之婦。傳

惡郤擊也。三郤之勢何求不得。欲此已醜之婦。蓋來聘而

聞其美。故使聲伯奪之也。穆姜奪聲伯之母而嫁之齊。聲

伯又奪施氏之婦而嫁之郤。烏獸猶不失儷一語。將諸人

詆。蓋然聲伯於魯。表表有聞。豈奪人婦以與人者。孝叔於

魯。傳載其卜。卑一事。未有違德。蓋郤擊之勢力足以震懾

魯臣。死亡立覩。此聲伯孝叔無可控訴之苦衷而不得不

視顏。應命二子之沈。亦由怨毒甚深。今而後得反之歟。此

可作邵氏小傳一則讀

夏季文子如晉載聘且蒞盟也

方望溪曰晉侯在喪義不得盟諸侯傳載晉平公之喪子皮請見新君晉人辭子產相鄭伯如晉晉以魯喪不見則晉侯之不盟公非故卑魯也然留之九月則已慎也

周公楚惡惠襄之偪也

惠王襄王之族且與伯與周卿士爭政不勝

怒而出及陽樊

晉地

王使劉子復之盟于郵周邑而入三日復出

奔晉

王既復之而復出所以自絕于周為明年周公出奔傳

秋宣伯聘于齊

以脩前好業以前之好

或曰魯受晉辱而改事齊或曰恐齊脩怨故求免焉夫齊方睦于晉豈敢再伐魯衛魯即事齊亦不足以抗晉也蓋

在王所者皆此等八周室安得不卑

叙事一語都至非不參詳

溯周初封

妙在兩邊俱不說起封田只溫明而鄭田自見維爭與資却是維新主

行父蒞盟于晉。則晉已睦矣。晉睦而兼及與晉相睦之齊。聘問往來。禮也。

晉卻至與周爭郕田。郕。溫別邑。按河南武陟縣。郕音侯。王命劉康公單襄公

訟諸晉。按王欲治郕田而晉不奉命乃使兩大郕至曰。溫吾

故也。故不敢失。言溫得劉子單子曰。昔周克商使諸侯撫封

各撫有其地。蘇忿生以溫為司寇。與檀伯達封于河。蘇忿生周

封內之地。蘇忿生以溫為司寇。與檀伯達封于河。蘇氏即狄又不能於狄而奔衛

蘇公也。與檀伯達俱封于河。蘇氏即狄又不能於狄而奔衛

事在僖。張王勞文公而賜之溫。在僖二狐氏陽氏先處之。漆

十年。張王勞文公而賜之溫。在僖二狐氏陽氏先處之。漆

侯使卻至勿敢爭。傳言卻至貪所以亡裴王以溫賜晉文狐漆陽處父。皆食邑于此。後晉侯以賜

郤氏。郤溫之旁邑。郤田與溫相連。因欲并有之。故至云溫。

吾故也。劉子不屑屑論溫與郤田之疆界不同。即以溫論。

襄王可賜。今王可黜。不得為郤氏之故物矣。况郤本周之

境內乎。非并欲爭溫也。

宋華元善於令尹子重。又善於欒武子。聞楚人既許晉糴。棧

成而使歸復命矣。在往冬華元如楚遂如晉合晉楚之成明

年盟宋西門外張本

晉求楚成。而尊周攘夷之局壞。晉景華元皆春秋罪人也。

秦晉為成。將會於令狐。晉侯先至焉。秦伯不肯涉河次於王

城。使史顆秦大盟晉侯於河東。晉卻犇盟秦伯於河西。就盟王城

范文子曰。是盟也。何益齊盟。所以質信也。齊一心會所信之質成也

以為成始以背成終處處為成即處處伏背成而城活乃勇躍而目

始也。始之不從，其可質乎？稱解所地也。約會之始。秦伯歸而背。

晉成。為十三年。伐秦傳。

秦每援楚以困晉。問晉楚既成，因有為成之志。其遲疑不決者，以晉楚之交可得而間也。於是歸而謀，所以間晉於楚。

經

壬午

十有二年春，周公出奔晉。夏，公會晉侯、衛侯于瑣澤。

杜解

秋，晉人敗狄于交剛。地。閏。

冬十月

傳

十二年春，王使以周公之難來告。在屈周公。書曰：周公出。

奔晉。

凡自周無出，周公自出，故也。黃氏曰：政出一人，豈容私？

公之罪大矣。經蓋晉為道迷主，臣此罪人，以故天子罪河勝誅哉。

宋華元克合晉楚之成。

終前。

夏五月，晉士燮會楚公子罷許。

延句加一克
字或爲華元
之功

竟不說起周
室如王何
但明說天恐
碍楚故用詞
不庭三字經
過請元刺殺
昔心
交盟二字已
伏求盟交相
見明請三語
已伏明陳成

言名和事

卷二十二

偃。二子楚大夫。癸亥盟于宋西門之外。不書至襄二十七年

始。曰凡晉楚無相加戎。好惡同之。同恤舊危。備救凶患。若

有害楚。則晉伐之。在晉。楚亦如之。交贊也。往來道路無壅。謀

其不協。而討不庭。討背叛不來。有渝此盟。明神極之俾。陳其

師。無克。胙國。其隊失也。解胙報也。隊失。鄭伯如晉。聽成。受也。

晉楚師成。會于瑣澤。成故也。晉既與楚成。合諸侯以申成好。

鄭往受命。會于瑣澤。成故也。晉既與楚成。合諸侯以申成好。

之地。北當汝境。而西連狄人。間宋之盟。以侵晉。而不設備。秋

晉人敗狄于交剛。國之猶能自強也。

瑣澤之會。諸儒以經不書宋鄭傳不志魯衛。遂以西門之

盟爲妄。非也。春秋狄楚爲其僭王猶夏也。晉楚之盟。聖人

所惡。况盟而叛乎。不書者。爲其不成盟也。瑣澤不書宋。聖

一元。西門之盟。華元與焉。未嘗至瑣澤也。不書鄭受成于晉。

自晉歸國也。瑣澤遠于晉而近狄。時晉侯欲侵狄。以報九

年秦狄伐晉之怨。故帥師至瑣澤。會魯衛以受成爲名。使

狄不及覺也。狄聞晉方盟楚諸國。受成。遂乘機侵晉。甫至

交剛而潛師驟起。猝不能備。大敗而還。蓋會者晉侯敗狄

者。遣將也。云會于瑣澤。則不必復言魯衛也。傳叙齊桓之

止謀寧周也。不必叙八國盟于洪。孫王室也。不必叙七國此類甚多。

晉卻至如楚聘。且涖盟。補注外涖楚子享之子反相。爲地室。

而縣焉。縣鎡也卻至將登堂。登金奏作於下擊鐘而奏樂。疏云禮

兄入門而縣與升堂而樂闕。郊特牲曰。賓入大門而奏肆。更

示易以敬也。大抵朝賓入門而奏樂。時客則至庭乃奏樂。又

縣當在庭。今地室而縣。驚而走出。子反曰。日云莫矣。寡君須

將登乃奏。欲以驚賓矣。

託言辭樂得

子反胸中一片殺機口吐山便是叛盟之證一矢如還其後選中反目臣殺其身可為殉兵之戒保至弟承一矢句斬開而入

死且隨手拈來鼎之說詩知未若此

詩經卷之二十二

五

矣。吾子其入也。賓曰：君不忘先君之好，施及下臣，脫之以大

禮。重之以備樂。脫賜也。疏云：飾辭辭。如天之福，兩君相見，何

以代此。下臣不敢。言此兩君相見之禮。子反曰：如天之福，兩君相見，無

亦唯是一矢以相加遺焉。用樂。言兩君戰乃相。寡君須矣。吾

子其入也。賓曰：若讓之以一矢，禍之大者，其何福之為？世之

治也。諸侯聞於天子之事，則相朝也。王事聞缺，於是乎有事

宴之禮。享以訓其儉。享有體薦，設几而不倚，爵盈而宴，以示

慈惠。宴則折俎，共儉以行禮而慈惠，以布政政以禮成民，是

以息百官承事朝而不夕。不夕言無事，疏云：且見君謂之朝

而莫此。公侯之所以扞城其民也。扞，蔽也。言享宴結好，故詩

曰：赴赴武夫。公侯干也。扞城，詩周南言公侯之與武夫止及

赴赴武夫。公侯干也。扞城，詩周南言公侯之與武夫止及

又總一段結
出亂字

將亂起字叙
事作結

其亂也。諸侯貪冒，侵欲不息，爭尋常以盡其民。八尺曰尋，倍尋曰常，言尋

以相攻伐，畧其武夫，以為已腹心，股肱爪牙也。畧，取也。故詩曰：『赴武夫公侯腹心。』

赴武夫公侯腹心。能合諸公侯外為軒城，內制其腹心。天

下有道，則公侯能為民干城而制其腹心。之欲，非以縱欲心

亂則反之。畧其武夫以為今吾子之言亂之道也不可以為

法然吾子主也。按傳于糾至言實而子反不言主于卻至

敢不從。遂入卒事，歸以語范文子。文子曰：『無禮必食言，吾死

無日矣。夫言晉楚不能久和，必復相伐，為十六年。晉陵戰，張

速將厲公所為，自有一冬。楚公子罷如晉，聘且泝盟。十二月，

晉侯及楚公子罷盟于赤棘地。

卻至夙擅風雅，兼明君臣大義。吾子聘楚而知之，西門之

盟楚方有意。弭兵而秦桓播弄其間。子反黨復萌。北方可圖之意。此番燕客。不過謬作周旋。而戲侮挑釁。幾與齊廷笑客者同。卻至之折子。反從他一矢加遺語。以禍字代他福字。分出治亂兩段。治世以體。國之福也。衰世以爭。國之禍也。提出天子見周室之聲靈。轉出諸侯見溥天皆臣妾。杆城其民。武夫可貴。屠戮其民。武夫可誅。斥其貪冒。侵欲而以腹心。股肱爪牙禍人。道以自禍也。明目張膽。盡情指斥。可使賊臣奪氣。

經

十有三年春。晉侯使卻錡來乞師。在解將伐秦也。三月公如京

師

伐秦道過京師。因朝王。夏五月。公自京師。遂會晉侯。齊侯。宋公。衛侯。

鄭伯。曹伯。邾人。滕人。伐秦。曹伯廋卒于師。按宣公卒。公子負弼殺太子自立。即

毀為封基
山體而况乞
為作二層

觀宜伯卓勤
知公之胡王
全無誠意便
與成子受瓜
而情兩相映

成公也。秋七月公至自伐秦。冬葬曹宣公。

十三年春晉侯使卻錡來乞師。將事。莊命解珍不敬。孟獻子

曰。卻氏其亡乎。禮身之幹也。敬身之基也。卻子無基。以樹木

為喻。基以墻屋為喻。卻子無基。則亦且先君之嗣。卿也。受命

以求師。將社稷是衛。而情棄君命也。不亡何為。故曰。卻克子

殺卻錡傳

三月公如京師。宣伯欲賜。欲王請先使王以行人之禮禮焉。

不加厚。按周語載僑如至京師。王孟獻子從。王以為介而重

賄之。重賜之。補注。凡大夫從公。以禮故。王公及諸侯朝王。遂

從劉康公。成肅公會晉侯伐秦。劉康公王季子補注。二成子

受賑於社。不敬。社之名。按服虔云。祭社之肉。盛以盛。故曰。賑。宜出兵祭

以誠云在中
廟為天命之
世在大易是
各正性命
注云左氏言
禍福都從禮
與敬上斷但
注有詳見四
命云謂言教
官從原頭上
勘透尤精

之脈。脈大。蛤也。以飾。劉子曰。吾聞之民。受天地之中。以生。所
祭。祭。服。服。市。軫。反。是以有動作禮義威儀之則。以定命也。按天
謂命也。正理也。謂是。是以有動作禮義威儀之則。以定命也。按天
民有物。有則順。其則而天之能者。養之以福。養威儀不能者。
命我者。斯同。所謂定命也。能者。養之以福。養威儀不能者。
敗。以取禍。是故君子勤禮。小人盡力。人。以位而。言勤禮莫如
致敬。盡力莫如敦篤。敬在養神。篤在守業。養其神明之舍。敦
篤之道。在守國之大事。在祀與戎。祀有執牒。祭有受脰。神
其本然之業。國之大事。在祀與戎。祀有執牒。祭有受脰。神
之大節也。大節。之。今成子情棄其命矣。和之氣。其不反乎。
子環張本。

按林氏以為傳云會諸侯伐秦。似晉未嘗朝也。然厲公頗
知尊周之義。意欲請二卿會伐。以王命服秦。故事諸侯朝
王。晉不朝王。諸侯誰朝王者。觀後悼公合十三國大夫伐

秦○過○周○而○未○嘗○入○聘○於○周○可○見○矣○傳○曰○公○及○諸○侯○則○晉○侯○
與○朝○矣○故○二○卿○率○之○以○宜○於○周○社○也○而○聖○人○畧○之○以○其○意○
不○在○朝○王○也○春○秋○百○數○十○年○桓○霸○而○天○下○朝○齊○文○霸○而○天○
下○朝○晉○從○無○有○率○諸○侯○入○京○師○行○朝○禮○者○今○一○過○之○又○以○
他○故○兼○及○安○在○其○爲○尊○周○室○哉○此○不○敬○之○甚○情○之○大○者○也○
傳○述○成○子○受○服○而○情○而○決○其○棄○命○不○反○成○子○果○卒○于○師○是○
情○之○小○者○動○而○獲○咎○情○之○大○者○未○見○其○殃○似○養○神○守○業○之○
言○未○爲○盡○驗○不○知○不○敬○其○君○必○有○謀○上○之○臣○齊○移○于○陳○氏○
晉○陪○于○六○卿○兼○弒○相○仍○取○禍○可○勝○言○歟○故○傳○錄○是○篇○發○明○
聖○人○不○書○朝○王○以○深○責○伯○主○之○義○

夏四月戊午晉侯使呂相

魏錡

絕秦

蓋口宜

已命

曰昔遠我獻公

獨云直起
從相好說入
伏下推好是
求又云戮力
同心伏下二
心不盡數語
領起一綱

注云莊提文
公辭做十倍

獨云此文要
看其往法東
法又要看其
被法起法于
不覺見其戊
事之登于極

讀左傳義

卷二十二

及穆公秦穆公相好戮力同心申之以盟誓重之以昏姻公穆
夫人獻公之女疏云孔安國以天福晉國文公如齊惠公如
戮力為陳力猶言勉力努力耳秦穆公即世林解即世卒穆公不忘
秦秦穆公所恃大國無祿獻公即世林解即世卒穆公不忘
舊德俾我惠公用能奉祀于晉信十年秦又不能成大勲而
為韓之師信十五年秦亦悔于厥心用集我文公是穆之成
也成功文公躬擐甲胄跋履山川草行為蹶踰越險阻征東
之諸侯虞夏商周之亂而朝諸秦則亦既報舊德矣鄭人怒
君之疆場我文公帥諸侯及秦圍鄭晉自以鄭貳于楚故圍
十年易音赤秦大夫不詢於我寡君擅及鄭盟詢謀也盟
言大諸侯疾之將致命於秦時無諸侯蓋諸文公恐懼綏靜
夫諸侯秦師克還無害則是我有大造於西也有成功于秦無

之奇
穆文公實

為大助而反

以補過助

城漢無役不

至實力進于

東而反云大

遂于西令狐

賈晉召澤而

反云率我

賦皆味心之

法章以臣心

獨造前此未

有也

曲在秦志

穆文公卽世三十二年穆為不弔蔑死我君寡我義公迷我

殺地奸絕我好伐我保城殄滅我費滑伐保城誣之費滑滑

偃師散離我兄弟撓亂我同盟同姓晉傾覆我國家我襄公未

忘君之舊勲之勲文公而懼社稷之隕是以有殺之師在信三

猶願赦罪于穆公晉欲求穆公弗聽而卽楚謀我天誘其衷

成王隕命秦使闕克歸楚求成事見文穆公是以不克逞志

於我也還快穆襄卽世康靈卽位文六年晉襄康公我之自出

晉外又欲闕翦我公室傾覆我社稷帥我螫賊以冰蕩播我

邊疆子蟻賊食木稼蟲名謂秦納公我是以有令狐之役在文

康猶不悅改也入我河曲林解黃河千里而伐我涑川俘

我王官涼水出河東今山西蒲州東剪我羈馬我是以有河

曲在秦志

曲在秦志

曲在秦志

百九垣護國
是至文實亦
利口

此現在事實
故對情發揚

曲之戰在文十東道之不通則是康公絕我好也言康公自
東通及君素桓之嗣也我君景公引領西望曰庶撫我乎秦望
晉撫恤君亦不惠稱盟不肯稱晉利吾有狄難謂晉滅入我河
縣焚我箕郛芟夷我農功夷所併也虞剝也皆殺我邊陲我是
以有輔氏之聚衆也在宣十五年疏君亦悔禍之延長而欲
微福于先君獻穆晉獻使伯車秦桓來命我景公曰吾與女
同好棄惡復脩舊德以追念前勲言誓未就景公卽世我寡
君是以有合狐之會在十君又不祥善背棄盟誓白狄及與
君同州君之仇讎而我之婚姻也季秋伐而獲之納諸女公
君來賜命曰吾與女伐狄寡君不敢顧婚姻畏君之威而受
命于吏君有二心於狄曰晉將伐女狄應且憎是用告我狄言

馮云特用雙
調對落非此
不足以收一
篇之文
又文

以上叙辭令
以下叙事實
就前合之
盟說起是用
師之故

雖應答秦而心
實憎秦無信
楚人惡君之二三其德也亦來告我曰秦背

令狐之盟而來求盟于我昭告昊天上帝秦三公楚三王

穆康共三曰余雖與晉出入猶往余唯利是視不穀惡其無

成德是用宜之以懲不壹諸侯備聞此言斯是用痛心疾首

暱就寡人疾亦痛也寡人帥以聽命唯好是求君若惠顧諸

侯矜哀寡人而賜之盟則寡人之願也其承寧諸侯以退承

之意以寧豈敢微要君若不施大惠寡人不佞口才也不佞

其不能以諸侯退矣敢盡布之執事俾使執事實圖利之秦

桓公既與晉厲公為令狐之盟而又召狄與楚欲道以伐晉

諸侯是以睦于晉晉驕多誣秦故傳據晉欒書將中軍荀庚

佐之庚代士燮將上軍庚代荀鉞佐之代士韓厥將下軍代荀

荀首荀首士燮將上軍庚代荀鉞佐之代士韓厥將下軍代荀

馮云特戰孟
獻子語見非
健以執素曲
說為功

結寫晉侯得
至與呂相結
於一段與會
映照

卷二十二

荀轡佐之代趙趙旃將新軍代韓三佐之代趙卻殺至卻

弟御戎樂鉞子樂為右孟獻子曰晉帥乘和師必有大功帥

車士五月丁亥晉師以諸侯之師及秦師戰于麻隧秦地今

涇陽縣秦師敗績獲秦成差及不更女父不更秦國補注秦

西左庶長一右庶長見漢書孔氏云此傳有不更女父

十一年有庶長庶長武春秋之世已有此名蓋後以漸增

之商君定為二十非盡新曹宣公卒于師師遂濟涇今陝西

作也。差初在反更音庚曹宣公卒于師師遂濟涇今陝西

平涼府及侯麗秦地在涇陽縣而還迂晉侯于新楚既戰晉

西止新楚故師還過迎之新楚秦地當在陝西成肅公卒于

朝邑縣境補注傳言將晉晉侯迂五嫁反成肅公卒于

瑕晉地終劉

子之言

傳為戰諸篇俱兩國細叙麻隧之師亦秦晉大戰也何以
專為晉一邊至晉之若何用謀決勝俱置不論但載絕秦

一篇辭命而秦師之敗一語已足蓋傳體經義爲之也秦
與晉爲令狐之盟寢兵息民復申舊好共獎王室豈非衰
周之幸哉秦桓叵測召狄與楚再謀伐晉必欲流毒天下
而後已於是晉興問罪之師予以文告冀其尋盟未嘗遽
以兵加之乃悍然拒戰卒至敗績故不叙其所以敗而但
載呂相絕之之詞覺敗殺之後惟河曲交綏差得夜遁其
餘俱是轍亂旗靡雖敗有大小而無役不敗是他國所最
不幸者獨秦以爲常彼視民命爲兒戲此視戰勝爲等閒
故經不書敗績而傳亦不叙其所以敗也晉之勝秦已
止于此至悼公而櫟之役爲秦所敗伐秦之役遷延不進
嗣後秦不出關晉不西指此篇爲勝秦之結局故傳錄統

叙之文以收束自殺以來數十年交兵事。呂相之言非必盡爲子虛。而楚人來告一段却是飾詞。秦雖召楚楚安能告晉。然秦楚相暱。故疑楚于秦。使秦桓以楚言漏洩。不敢親暱耳。傳又將召狄與楚覆述。見呂相歷叙前事。因斯而起。西秦歷世流毒。於今爲烈。麻隧之伐。非晉之愆也。六月丁卯夜。鄭公子班自訾鄭地求入于大宮。鄭祖不能殺子印子羽。皆穆公子十年班出奔許今欲反軍于市。林解還屯之。已巳子駟。穆公帥國人盟于大宮。遂從而盡焚燒之。林解子駟既盟國人。遂從公子班之殺子如子駟。武邦反。孫叔子如孫知子駟。而盡焚燒其市。班以紆難而立其所私。不特禍已。兼以禍孺。而又以求入

諸晉人使三
字必有賊臣
主其事者
討之甚易而
皆故殺之諸
卿為取賂地
叩

作亂益悖矣。欲至大宮者。意在盟國人。子駟焚市。雖羣賊
盡誅。而被焚者不勝數也。

晉人使公子負芻守。使公子欣時逆曹伯之喪。二子皆曹秋

負芻殺其大子。宣公太子而自立也。諸侯乃請討之。晉人以其役

之勞。請俟他年冬葬曹宣公。既葬。子臧欣時將亡。國人皆將

從之。不義負芻故成公負芻乃懼。告罪。且請焉。請留乃反而致其邑。

還邑于成公為十五年執曹伯傳

經甲申十有四年春王正月莒子朱卒。楊氏曰葬須稱諡莒無

卒。密州立夏衛孫林父自晉歸于衛。莊公之故曰歸秋叔孫

僑如如齊逆女。成公逆夫人最為得禮鄭公子喜帥師伐

許。九月僑如以夫人婦姜氏至自齊。張注稱婦宜公冬

十月庚寅衛侯滅卒公衍立。秦伯卒此秦桓公卒史

傳十四年春衛侯如晉晉侯繄見孫林父焉祖解林父以七

之歸定公不可夏衛侯既歸晉侯使卻犖送孫林父而見之衛

侯欲辭定姜定公夫人曰不可是先君宗卿之嗣也同姓之卿乳

出于衛武公武公又以為請不許將亡雖惡之不猶愈於亡

乎君其忍之見伐以亡安民而有宗卿不亦可乎衛侯見而

復之復林父位陳侯志所以書歸衛侯饗苦成叔成叔衛惠子

相子寧殖苦成叔傲寧子曰苦成家其亡乎古之為享食也

以觀威儀省禍福也故詩曰兕觥其觶旨酒思柔詩小雅言

飲酒皆思柔德雖設兕觥然不用以兕觥為觶所以罰彼

不敬觶陳設之貌食音嗣兕辭姊反觥古橫反觶音蚪彼交匪傲萬福來求彼之交千事而不惜今夫子傲取禍之道

齊侯強見繄然卻犖為之主
公然自送林父至衛日中何嘗有衛君為傲字伏根
定姜懼亡故忍之以救亡
豈知能亡人
國者先自處

於亡國相呼
也

爲十七年
郤氏亡傳

傳蓋惡郤犇也。而戡上寫林父之歸。下寫郤犇之享。若不
相蒙。不知下戡卽上一戡之斷語也。林父奔晉。獲交郤犇。
覲定姜夫婦。喁喁吞聲。忍辱俯首。從命犇之惡。乃逼及於
魯衛矣。及其受享而傲。斷其必亡。惟傲故脅魯而奪。已醜
之婦脅衛而納。不令之臣。林父叛君之臣。不可一日容
於國。而惡跡未著。定公惡之。知所惡者也。晉侯強見而不
可能。堅所惡者也。郤犇挾之來。此時晉厲頗勤諸侯。郤至
粗知大義。明告權奸當去。則理順辭直。晉必不以一林父
而失諸侯。魯昭公失國。猶云所欲見夫人者。有如河。況賊
臣之奔已至七年。而進退由已者。定姜徒知不許將亡。而

不知賊臣得志貽禍子孫者幾四十年其不亡幸耳婦人誠不足與大事也

秋宣伯如齊逆女稱族尊君命也詳說僑如惡聲聞于外今逆者夫人而以僑如往耶

八月鄭子罕伐許敗焉為許所敗戊戌鄭伯復伐許庚子入其郭

郭郭也郭郭許人平以叔申之封四年鄭公孫申疆許田許人敗之不得定其封疆今許以是所封田

求和千歸黃東發曰鄭自成三年再伐許四年伐許九年圍許今又伐之晉不能救也

九月僑如以夫人婦姜氏至自齊舍族尊夫人也故君子曰

春秋之稱微而顯辭微而顯志而晦志而晦言以記事言以記事敘而文敘而文婉

而成章婉曲也謂曲屈其辭有所盡而不汗其事實無所浮曲

于。愛。惡。而。勸。善。善。名。必。清。惡。名。不。非。聖。人。誰。能。脩。之。者此五

公羊云一事而再見者率名之此史例也。豈有爲尊夫人而舍逆者之族然此以去叔孫爲去族猶可說也。宣元年公子遂以去公子爲去族公子非族也更不可通矣。故趙氏謂後人妄加之是也。春秋自有其權衡故曰春秋之稱稱量度也。量度於史例而或從其文不從其例或存其例明著其失或變其文直示其義皆聖人之權衡也。故有五者之美傳示全經之大旨豈一舍族卽足以見之故知非左氏本文也。

衛侯有疾使孔成子孔達寧惠子立敬定公如妾之子衛侯析公以

此不實
 以妾氏既共
 而口而爭無
 又不相夫人
 如不聽
 結句是林父
 一生得力道
 為四十餘年
 事蹟相綱

為太子冬十月衛定公卒夫人姜氏既哭而息見太子之不
 哀也不內酌飲歎曰是夫也林父賤者之稱將不唯衛國之敗其
 必始於未亡人定姜言獻公行無禮必從已始嗚呼天禍衛
 國也夫吾不獲鱗也使主社稷行無禮必從已始嗚呼天禍衛
 無不登孫氏而善善晉大夫自足不放舍其重器寶器于衛盡與諸
 戚孫氏而善善晉大夫十四年衛侯出奔孫氏而善善晉大夫
 定姜賢夫人其于太子不為訓誨之辭而預發其端遂使
 人人解體而國變頻仍不無餘憾矣甚善晉大夫其於苟
 偃士句趙武無不遍交後來俱得其用不止卻犂也
 經乙酉十有五年春王二月葬衛定公。三月乙巳仲嬰齊卒
 莊公孫子公孫歸父弟歸惠云魯有兩嬰齊一為叔牙子
 一為邴子皆公孫也叔嬰齊稱公孫嬰齊此稱仲嬰齊則平

公孫嬰齊也。薛魯叔曰：公羊有嬰齊，後歸父之說。蓋泥孫以王父字為氏之文也。命氏至春秋而素極矣。豐施之為豐，以公子豐孫仲之為孫，以公子惠孫則以王父名為氏者也。慶封之為慶，以慶父。鮮曜之為鮮，以公子鮮。施伯之為施，以公子施。父是以父之字為氏也。胥甲父之為胥，以胥甲。是以父之名為氏也。氏不必王父。嬰齊何必後歸父？乃得以仲為氏也。云仲嬰齊，正以後仲非為後歸父，且歸父自有後子家。其字也。子家為歸父之孫，此正以王父字為氏也。若後嬰齊安得復有子家？蓋知仲嬰齊之後遂不後歸父也。○癸丑公會晉侯衛侯鄭伯曹伯

宋世子成齊國佐邾人同盟于成。晉侯執曹伯歸于京師。公

至自會。夏六月，宋公固卒。○子平公成立。楚子伐鄭。秋八月

庚辰葬宋共公。○三月而葬速。宋華元出奔晉。宋華元自晉歸于

宋。○華元欲挾晉以自重，故以外納告。宋殺其大夫山。○不書氏，明昔其族。宋魚石出奔

楚。○公子日夷之曾孫。冬十有一月，叔孫僑如會晉士燮、齊高無咎

于平元、衛孫林父、鄭公子貽、邾人會吳于鍾離。○楚邑，按今江南鳳陽縣。

力能解其罪
而改其刑
劉氏謂傳
言安得有
國者曰爲
非吾節

言之末
秋音
許遷于葉
故許畏鄭南依楚
以白遷爲文

十五年春會于戚討曹成公也莊解討其殺太子而執而

歸諸京師書曰晉侯執曹伯不及其民也而按爲弑太子之故

執之以惡及其民告者故予之凡君不道于其民諸侯討而

執之則曰某人執某侯稱人示衆不然則否補注凡稱人執

史策之恆辭此書君執經諸侯將見子臧於王而立之子臧

變文予伯主以討罪之成聖人應天命次守節謂賢下失節

辭曰前志有之曰聖達節聖人應天命次守節謂賢下失節

愚者爲君非吾節也雖不能聖敢失守乎遂逃奔宋陳應奔

張元德謂晉侯不執負芻于未會之先使曹人得以藉口

是也愚謂晉侯此舉有三悞焉負芻弑立親離衆叛晉執

是也愚謂晉侯此舉有三悞焉負芻弑立親離衆叛晉執

之一將之力耳。而必待大集諸侯一談也。遲之又久。使國
人忘讎。服從者三年。又不明聲其罪。而以好會名。二誤也。
復與歃血同盟。誓無虞詐。而忽執之三誤也。曰歸于京師。
儼然霸討之。正予之也。不言執曹負芻。而言曹伯惜之也。
天下無弑君篡位。而可以保其首領者。執歸京師獄上。
閔于天王。付之司寇。立正典刑。庶幾爲天下亂臣賊子之
鑒。晉人安得參末議耶。且曹旣無君子。臧自當繼立。是大
有造于曹也。遠節守節。何從置喙。乃卻至俾田出力爭此
小利。負芻大怒。濡滯臨于晉人。夫子又責曹伯歸伯涼師。
蓋傷之也。

夏六月宋共公卒。

汪云前說子
反後說楚子
皆為郢陵之
敗君傷而子
反死作引

馮云起手一
段總提下分
兩截為渾渾
公室為上截
意諸子為司
馬華喜元孫
為司徒公孫
師為司城孫
向

讀左傳卷二十一

楚將北師衛侯鄭子襄莊王子貞曰新與晉盟而背之無乃不可

乎子反曰敵利則進何盟之有晉楚盟在十二年申叔時老矣在申

老歸本邑聞之曰子反必不免信以守禮禮以此身信禮之亡欲

免得乎言不楚子侵鄭及暴陘遂侵衛及首止鄭子罕侵楚

取新石楚邑按今河南樂武子欲報楚韓獻子曰無庸也月使重

其罪民將叛之盟數無民孰戰楚為明年晉敗

秋八月葬宋共公于是華元為右師魚石為左師蕩澤公孫

為司馬華喜元孫華喜之為司徒公孫師為司城孫向

為人為大司寇鱗朱為少司寇鱗鱗應向向帶為大宰魚府為少

宰蕩澤弱公室殺公子肥輕公室以為弱故殺華元曰我為

右師君臣之訓師所司也今公室卑而不能正蕩澤吾罪

元為主

華元義形于色矣較楚無畏俱正論侃侃不畏強禦

史官去族以告諸侯魯史

大矣不能治官敢賴寵乎乃出奔晉二華載族也華元司城

莊族也大官者皆桓族也魚石蕩澤向為人驛朱魚石將止

華元魚府曰右師反必討是無桓氏也澤并及六族魚石

曰右師苟獲反雖許之討必不敢言畏桓且多大功國人與

之不反懼桓氏之無祀于宋也華元大功克合晉楚之成劫

怨桓氏逐華元右師者猶有戌在華元必不討戌音恤桓

氏雖亡必偏不魚石自止華元於河上請討林解華元許之

乃反補注經書奔晉自晉踴傳言至河上乃反者始去國以

所至者畧外也杜以外納告非也言自不必外納劉使華喜

公孫師帥國人攻蕩氏殺子山喜師非桓族故使攻書曰宋

殺其大夫山言背其族也蕩氏宋公族還害公室故去族以

示其罪按叛君之罪大叛族之罪

遷者於東

馮云不向石
師一邊叙去
却從魚石一
邊看出筆法
最善
以四人結

司馬遷列傳卷二十二

小史官但罪其叛魚石向為人鮮米向帶魚府出舍於睢上
族非聖人之意也
睢水名五大夫畏華元使止之不可冬十月華元自止之不
同族罪及將出奔
可乃反華元還魚府曰今不從不得入矣不得復右師
述而言疾有異志焉若不我納今將馳矣登邱而望之則馳
騁而從之五子亦馳逐之則決睢水涯決閉門登陣矣左
師二司寇二宰遂出奔楚
華元使向戌為左師老佐為司馬樂裔為司寇以靖國人
戴公五世孫王梅溪最該子魚之勳意諸之忠而無後乎
且桓氏可亡也而魚石不可罪也大義誠親石與有庸焉
 此體聖經之義而以討亂與華元也于奔晉下插叙三族
 元為戴族僅與莊族司城為黨觀下討澤即命司城率師
 可見桓族遍六官為一黨而司馬主兵柄族橫而偪久矣

然三族雖分皆宋之公族也。山弱公室而擅殺子肥。是無君也。元爲右師討賊者正也。卽出奔而約晉爲援。猶正也。山爲司馬手握兵權而束身待討者以華元倚晉爲援而國人助之耳。當是時元解宋圍合晉楚國人歸心且甚睦于欒武。故桓族不敢助魚石不敢謀一舉而誅之也。華元兩止之五人不可必有遜于華元之事。至決雌登陴元之止不過世故之周旋而非如魚石止元之實意盡逐之而立私暱之向成與子產之於伯有子皙異矣。然五人援楚入宋以禍宗邦則同惡相濟必非善類。故君子不責華元固黨之私而但與其討賊之正。

晉三卻害伯宗

林解三卻卻錡卻至卻錡害嫉也

譖而殺之及欒弗忌

晉賢大夫

田學純附云伯宗害去庇

州學傳畢陽
及諸大夫君
伯宗弟陽實
送州卒於荆
陽見戰國策
趙孫皆以義
烈著

伯州犂奔楚伯宗韓獻子曰郤氏其不免乎善人天地之紀也而驟絕之不亡何待也既殺伯宗又及弗忌故曰驟每朝其妻必戒之曰盜憎主人人民惡其土子好直言必及于難傳見難婦人之言不可廢

弗忌晉賢大夫為樂書之族三郤安能殺之必有甚不便于書者故書使三郤譖殺伯宗弗忌然後并除三郤于是晉君孤立而惟書所為盜憎主人書其盜首歟

十一月會吳于鍾離始通吳也始與中國接

許靈公畏偪于鄭請遷于楚辛丑楚公子申遷許于葉補注

許以長鄭故偪外援以遷故經不言遷之者他倣此

讀左補義卷二十二終